



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Joannis Maurittii Gudeni Historia Erfurtensis Ab Vrbe Condita Ad Reductam**

**Gudenus, Johann Moritz von**

**Erfurti, 1675**

De Generosiß. D[omi]no Philippo Casparo L. B. de Bikken, Archisatrapa  
Eichsfeldiae Glande ferreâ laeso in obsidione Erfordiensi.

**urn:nbn:de:hbz:466:1-11903**

Nam donat Juri sperata ubi commoda virtus,  
Emerita est, & vix altius ire potest.

*Ad Generosissimum Dominum JOANNEM HENRICUM  
DANIELEM L.B. A RIDDER IN GROEN-  
STEIN Erfordiae Vicedominum.*

Certa salus magnæ, quâ frenas legibus, urbis,  
Quod non est, armis quam peperisse, minus,  
Quæ Te digna canam? vincis fastigia laudum,  
Nec sine fatidico Numine nomen habes,  
Vix virtute minor DANIEL DANIELE, sagaci  
Qui quondam impuros subruit ore senes.  
Parvus erat, rexitq; altam DANIEL Babylona,  
Canaq; in imberbi mens DANIELE fuit.  
Arboris hic idem statuæq; oracula pandit  
Regibus, infaustæ trinaq; verba manus;  
Ingenium & cœleste Tibi velocius annis  
Venit, & Imperiis utile consilium.  
Illius inter erat virtus secura Leones,  
Innocuo abstinuit sanguine tanta fames!  
Cedere Thuringo fac dentem irasq; Leonum,  
Te, DANIEL, rerum præside, mitis erit.

*De Generosiss. Dno PHILIPPO CASPARO L. B. de BIK-  
KEN, Archisatrapa Eichsfeldiæ Glande ferreâ læso in  
obsidione Erfordiensis.*

Viderat è specula multum caræ urbis Enyo  
Insignem geminâ Palladis arte Virum,  
Mille Deæ diræ qui vicerat hæctenus artes,  
Et procul Eichsfeldo fecerat esse solo:  
Viderat, & cedes Furiarum, Eichsfeldia, regno,  
Si nostrâ jaceat fraude PHILIPPUS, ait.  
Protinus induiturq; habitus & militis ora,  
Ars cui mentiri fulmina sæva Jovis.  
Et ferro legitur scelerato meta, PHILIPPUS,  
Quo minimè castris Justior alter erat.

† † †

Heu

Heu! quid ab obsessâ crudelius accidit urbe,  
Vulnera quàm cari & dira pericla viri!  
Publica hic imminuit victorum gaudia luctus,  
Cunctorumq; uno in vulnere vulnus erat.  
Vidi ego, tunc stetit Eichsfeldia pectus honestum,  
Pulvere sparsa comas, & laniata genas.  
Quin vidi, Stygiæ tunc monstrum odere sorores-  
Plus solito, Pluton fugit & ipse Pater.  
Nil agis, & frustra, Furiarum maxima, gaudes,  
En scelus excusant mitia fata Tuum.  
Ille hostis Tuus, Astreæq; Philippus ocellus  
En Divæ meritis in Tuu damna valet.  
Et ne Tu valeas longum, me vate, valebit,  
Si curat patriæ vota, precesq; Deus.

*Ad plur. Rdm. Dominum JOANNEM DANIELEM  
GUDENUM Eminentis. ArchiPræsulis Moguntini  
Sigilliferum Erfordiensem.*

**E**ffera cum fremeret vesano turba tumultu,  
Nec nisi quod cæco Jus datur ense foret.  
Quam prope nil miserantis eras tunc victima vulgi,  
ni latebras superum cura, GUDENE, daret!  
Non minor ipse quidem post sæva pericula vivis,  
Gaza tamen prædæ, & Bibliotheca fuit.  
Fers æquus vel ferre potes damna ista, GUDENE,  
Virtus restat, opes: Bibliotheca, caput.

*In fugam Nob. & Clariss. Viri PETRI FRANCISCI CHRIS-  
TIANI PAPII Prætoris Erfordienfis.*

**T**U quoq; terga dabas, Themidos præclare Sacerdos,  
Cur Jus non perdis dicere? Prætor eras.  
Non vis Socraticâ, vis sorte Themistoclis uti:  
Manserat ille, cadit: fugerat iste, redit.  
PRÆTOR NON CURAT MODICUM, sed vivere magnû est,  
Quiq; caput, glande is plus petit aut oleo.  
Si dabit inferias, inquis, capita ultio centum,  
nullum, humeris Papii quod coalescat, erit